



Skútustaðahreppur, Mývatnssveit 600269-1009

Hlíðavegi 6, 660 Mývatn. s: 464-4163 f. 464-4363, netf. gudrunm@mvv.is

Fundargerð. Skipulags- og umhverfisnefnd.

4. fundur.

Haldinn að Hlíðavegi 6, 4. apríl 2011, kl: 9:30.

Mættir: Kristján Stefánsson, Birgir Steingrímsson, Karl Emil Sveinsson, Eyrún Björnsdóttir, Pétur Snæbjörnsson. Sveitarstjóri ritaði fundargerð.

Dagskrá:

1. Fundarsetning.

Varaformaður setti fund og bauð menn velkomna.

2. Yfirferð gagna frá skipulagshöfundi v/aðalskipulags.

Nefndin telur að engu efnislega sé við að bæta en lagfæra þarf stafsetningu og augljósar villur.

3. Umferðarmál.

Skipulags- og umhverfisnefnd beinir því til sveitarstjórnar að koma eftirfarandi atriðum á framfæri við Vegagerðina.

- Sett verði stór skilti við allar innkomuleiðir í Mývatnssveit, á Þjóðvegi 1 og 87, sem bjóði gesti velkomna á nokkrum tungumálum.
- Sett verði hraðahindrun á Þjóðveg 1 móts við afleggjarann á vegi númer 850. Mikill hraði er á umferð frá norðri inní Reykjahlíðarþorp en ætla má að gatnamót sunnan Bjargs og kröpp beyja á Stórugjáarhrygg virki sem hraðahindranir úr suðri. Því er minni þörf á sérstökum hraðahindrunum þar.
- Gangbraut og gangbrautarmerki móts við Hótel Reynihlíð og Mývatnsstofu.
- Gangbraut og gangbrautarmerki í Vogum móts við Björk og/eða Vogafjosið.
- Sett verði merki “bannað að stöðva og leggja ökutæki” með jöfnu millibili í Markhraun og annars staðar þar sem mikið er um blindhæðir og blindbeygjur.
- Áningarstaður í Geitabrekku verði merktur báðu megin frá
- Gangbraut og gangbrautarmerki á Skútustöðum skv nánari athugun á staðsetningu.

- Gerður verði einn áningarstaður á Þjóðvegi 1 norðan Mývatns og hann merktur.
- Vegmerking á Bæjaröxl norðan Grímsstaða verði löguð og veiti nauðsynlegar upplýsingar fyrir vegfarendur. Einnig þarf að merkja áningarstað á sama stað.
- Merkja áningarstað á Þjóðvegi 87 á Sandvatnsbrekku neðri.
- Athuga sérstakar merkingar á upplýsingarskiltum við Dalborg, á Námafjalli og á Skjólbrekku við afleggjarann að Stöng.
- Á upplýsingaskiltum Vegagerðarinnar sé athygli ökumanna vakin á mikilli gangandi og hjólandi umferð á sumrin og þeir hvattir til að sýna henni tillitssemi.
- Snjómokstur, Hverarönd – Höfði – Dimmuborgir – nýr Dettifossvegur.
- Hjóla- og göngustígur kringum Mývatn.
- Lagfæring á vegi að Dimmuborgum.

4. Gildandi skipulagsupprættir.

Fyrir fundinum liggur listi Skipulagsstofnunar um staðfestar skipulagsáætlanir.

5. Tillaga um deiliskipulag í Reykjahlíð.

Lagt fram til kynningar bréf frá Péttri Snæbjörnssyni og Guðrúnu M. Valgeirsdóttur þar sem óskað er eftir heimild sveitarstjórnar til gerðar deiliskipulags skv. 38. gr. laga nr. 123/2010. Skipulags- og Umhverfisnefnd lýsir ánægju sinni með framkomna tillögu og leggur til við sveitarstjórn að hún samþykki erindið. Pétur og Guðrún viku af fundi við afgreiðslu málsins.

6. Verklagsreglur við leyfisveitingar. (stöðu-, bygginga- og framkvæmdaleyfi)

Skipulagsnefnd óskar eftir verklagsreglum frá byggingafulltrúa um leyfisveitingar sem henni ber að veita umsagnir um.

7. Byggingar í niðurníðslu og úrræði við þeim.

Skipulagsnefnd samþykkir að óska eftir fundi með byggingafulltrúa þar sem að listaðar verða upp niðurníðdar byggingar og til hvaða úrræða hægt er að grípa til að koma málum í betri farveg. Í því ljósti telur nefndin rétt að benda sveitarstjórn á að „hestúsið“ á Hlíðarhaga er í vægast sagt lélegu ástandi og þarfnast annað hvort endurbóta eða niðurrifs áður en að hætta hlýst af.

8. Hitaveita.

Skipulagsnefnd beinir því til sveitarstjórnar að skipuð verði sérstök ráðgefandi nefnd þriggja manna sem fari yfir öll málefni hitaveitunnar þar með talið samningagerð, endurnýjun og framkvæmdir í framtíðinni. Þá óskar Skipulagsnefnd eftir upplýsingum um framgang samningaviðræðna milli hitaveitunnar og landeigenda í Vogum.

9. Umsögn um erindi Landsnets, ósk um breytingu á aðalskipulagi.

Meðfylgjandi erindi Landsnets er kort sem sýnir aðalskipulagsbreytinguna en hún snýst um breytingu á lagnaleið. Skipulagsnefnd veitir jákvæða umsögn um erindið og leggur til við sveitarstjórn að jafnframt verði óskað eftir við Landsnet að gerður verði hjóla og göngustígur ofan á lögninni.

10. Umsögn um erindi Kára Þorgrímssonar, ósk um breytingu á aðalskipulagi.

Með bréfi óskar Kári Þorgrímsson eftir breytingu á aðalskipulagi Skútustaðahrepps á þá leið að svæði sem sýnt er á m.f. korti verði breytt í íbúðasvæði.

Skipulagsnefnd beinir því til sveitarstjórnar að verða við erindinu.

11. Umsögn um erindi Héðins Sverrissonar, ósk um stöðuleyfi.

Skipulagsnefnd beinir því til sveitarstjórnar að hafna erindinu á forsendum að verið er að raska svæði sem ekki er búið að samþykkja skv. aðalskipulagi.

12. Umsögn um erindi frá Mannviti f.h. Þórhalls Kristjánssonar, ósk um stöðuleyfi.

Skipulagsnefnd minnir á bókun sína frá 21. febrúar sl. Nefndin leggur til við sveitarstjórn að erindið verði grendarkynnt. Erindinu frestað þangað til samþykki nágretta liggja fyrir.

Fleira ekki gert, fundi slitið.